

四庫全書

集部

欽定四庫全書

集部

天台續集別編卷三

四

詳校官中書

臣張姚成

助教臣常循覆勘

總校官進士

臣繆琪

校對官中書

臣范鏊

膳錄監生

臣劉澐

欽定四庫全書

天台續集別編卷三

宋 林表民 編

分繡閣

洪景伯粹
解新建

曾 惇

治中妙言語洪濤瀉詞源向來羣玉府垂上紫微垣佐
郡滄海傍憑軒望朝暾便欲乘輕車長轍登崑崙茲樓
何縹緲千巖靄雲屯庭空百吏散博山炷微薰重尋羨
門輩仙事渺無垠何知對妙高舉手招德雲

清閼堂

洪郎雅吳語不減賀季真開軒風煙上爽氣朝朝新手
栽渭川竹坐對北海尊平生耐久朋歲晚獨此君此君
不可疎亦復未易親紛紛桃李行豈容託清塵退食靜
隱几微風冷衣巾乃知王子猷真是我輩人

題東湖

三年領客醉東湖欲去猶攜竹裏厨誰解挽留狂太守
風荷十頃翠相扶

次韻朱知裁少卿見貽二首

丹丘山水窟中有如斗城地迴鳥不喧一葉動亦驚閑
門有勝士學道師廣成脩然卧環堵六印一縷輕脫非
玄真子疑即坐忘生姓名存丹臺寧問月旦評小試未
軒翥襍被辭漢廷肯令蓮社流坐歎草堂靈要當酌家
釀酒色粲碧瑛

少陵卧窮巷作詩嘆秋雨坐令馬羣空真欲洗萬古乃
知筆有神寧復慙思阻此翁已僊去上界足官府下視

五濁世正自一塵聚後學如秋蟬聒耳了無取月卿折
檻後傳家有儀矩織成錦繡段宮商寄鳴杼追還正始
音雅頌繼皇武即今風騷將僅可一二數豈伊塵滓人
得此百世士心源忽湛然對面識諸祖何待登妙高厯
險歎踽踽便可咤善才室中聞密語

題謝景思少卿藥寮二首

先生數畝園種藥一何盛了知醫國手元自諳藥性愚
溪植仙朮服食每自信伏波收薏苡初不避讒柄牛溲

馬渤輩並蓄用必慎我知若人心欲了世間病君非山中相疑卽句漏令問訊紫金丹刀圭宜有贈

維摩示清羸宴坐丈室中靜觀世上人百邪所交攻我有一丸藥得之無是公人人各安樂淡然心地空脫復未辨此濟物存陰功南山千歲苓託根萬丈松下有青
青草其名爲救窮願君時舉手採取置藥籠

次韻李舉之玉霄亭

新亭崛起最高峰無數遙岑翠掃空恐有謝公留屐齒

為開摩詰畫屏風倚江楊柳自高下照水杏花能白紅
正欠渭川千畝竹清陰分借賴鄰翁

亭據城央一徑開仍標蘭芷出蒿萊諸峯合背雲邊出
大舶寄我海上來已辦酒池供倒載可無舞袖看低回
風煙正賴君彈壓時遣詩鋒為剗裁

再用前韻

舉觴東望玉霄峯萬頃雲濤雪塞空擁鼻自應多好句
褰裳便欲御長風際天江草如許碧隔水山桃無限紅

李侯長句有家法驚倒江樓一禿翁

危觀干霄百尺開海山羅列侶東萊鳥飛千里暮天碧
雲斷半弦新月來報答風光傷晼晚扶持歡事小徘徊
一春準擬留君醉翡翠羅衫窄窄裁

東湖懷賀子忱

不負春風爛熳晴聊驅小隊出郊坰一百五日可無酒
二十四絃須細聽溶溶漾漾沙鳥白短短長長溪柳青
賀監扁舟在何許惜無妙墨記蘭亭

丹丘諸先輩被薦書赴試南宮郡守曾惇既大合
樂祖其行復成小詩歌以送之

夜窻幾歲聚寒螢一日秋闈較藝精不但春秋明古義
雅知月旦著鄉評毫端騰掃三千牘雲路方期九萬程
三郡看魁天下士丹丘應未墜家聲

江南野步簡賀子忱蔡瞻明

步屨溪南探野梅衝寒仍與故人來竹邊嫩蘂為誰好
雪後惡雲今日開照夜騰呼修月戶惜花須築避風臺

中郎華髮殊堪酒更挽稽山賀監回

次韻景伯寵示勸農新什

奉詔東郊宣主恩如雲和氣藹生春
仙舟偶共元禮載官舍仍依王翰鄰
忽有清詩驚老眼慚無惠化及斯人
半生不分微官縛蚤晚故溪歸釣綸

題桐栢石道士院妙聲堂

門外千峯翠作堆道人名籍在丹臺
是非榮辱俱休問只放泉聲入耳來

洪景伯飲諸丈分繡閣呂詩戲之

新營小閣面孱顏
領客開尊紫翠間
千里畫圖供徙倚
一時名勝喜躋攀
好風已破晚來暑
小雨不遮湖上山
老子箇中殊不淺
尚堪同醉看弓彎

次酬曾守分繡閣

洪适

城隅喬木可怡顏
小閣初成尺五間
好客飛觴同嘯傲
新詩銜袖莫追攀
片時涼雨洗疎竹
向晚輕雲留遠山
坐想清香凝燕寢
也思一笑十眉彎

天台道中

灘聲因雨急山勢向雲斜
橋綠誰能畫楓丹遠侶春
鋤懷淺水郭索上寒沙
漸聽鳴梭近林中三數家

赤城山

平生幾讀興公賦今日霞標對赤城
此是南門入山路

山祇乞我一番晴

天台山圖曰赤城山天台之南門

玉京洞

飈輪曾此宅靈仙洞府今稱第六天
規往不辭蘿蔓險

回看雲物起瓊田

茅君傳云大茅君治赤城
丹山玉洞之府則第六天

中巖寺

覽勝尋幽性所耽不教騶哄滓筠杉霞城散綺留仙袂

露磴凝珠拂客衫曾有金龍潛邃洞却因赤蟻遠崇巖

來遊無復從容計自笑羸驂束轡銜

圖經云天寶中常
投金龍於赤城洞

中巖下有赤蟻僧行不精者蟻則嚙
之咸呂為病乃移寺去巖一里許

國清寺

紺宇今方盛名知國已清

李邕寺記云智者常夢定光
曰寺若成國必清遂呂為名

馬萬松九里影雙澗四時聲

賈島云山門九里松圖經云五峯回環雙澗縈抱天

下四絕之寺

杖策將窮覽巾車不計程登堂山更好人去曉

猿驚

光長老作更好堂方成而有旨移住靈隱時丈室未有繼之者

清音亭

久坐俯潺湲流清詩思慳跳珠鳴蘚石淙玉下松關此
日耳塵靜幾人心地閑抽琴作新曲歸去要怡顏

禪林寺

振策快秋晴伽藍倚翠屏看雲不留瞬對竹已忘形銀

地聲千載虹橋拱百靈至今鐘磬響如講淨名經

智者始至

佛隴定光指此曰南峯金地今我所居北峯銀地兩宜居之後講淨名經陳郡袁子雄見堂前有瑠璃山梵僧數十擎香跨虹橋而來聽者

雨中宿萬年寺用曾守韻

夢回深夜耿秋燈泉竇爭流一味清過鴈不聞天外影
寒松長送枕邊聲養風可但久無賴急雨那能便寢行
已問瓊臺雙闕路此心何必羨層城

閑上人覽衆亭

籃輿行盡白雲層來款禪居得小亭亂石引泉歸曲澗
寒風吹雨過中庭四旁野色朝昏別一覽巖姿遠近青
宴坐蒲團作何想光陰不復問堯蓂

桐柏觀

屹然雙闕峙瓊臺仰見彤雲郁郁開三井窮源知海眼

六符垂象應天台

徐靈府天台山記曰山上應三台故曰天台三井甚深不測嘗有投綸其

間綸盡而不及底或云海眼其一今塞俗云女人濯手而然

松杉滿道欣初過芝朮

何年得自培更聽鳴泉雜風籟直疑笙鶴紫霄來

石道士妙聲堂

泉溜古今同臨流萬慮空採芝歸絕嶂添竹映疎叢影
漾高秋月聲宜深夜風真清長在耳何用撫孤桐

石能琴

僊壇院

王子晉壇所

舊聞王子晉雲卧夜吹笙控鶴沖天去松風千古聲

天台觀

芝田環拱碧崔嵬流瀑高從天際來飛沫有風長是雪
寒聲無日不如雷巖前八桂人誰折溪畔千桃露未開

便覺仙都清晝永翻愁歸路染黃埃

劉阮洞

桃花當日未成蹊只有幽禽語翠微
楚峽行雲空入夢秦臺鳴鳳要同飛
仙家長若三春好人境何知萬事非
訪問丘園荒舊迹却應回首悔來歸

贈護國昌老

緩轡到禪局高談得細聽
茗花泛輕椀煙篆度虛櫺
門外雲千嶺軒中水一瓶
我來無好語留此待丹青

慈雲祖老相邀至悠然閣倦不克往

幾日陟雲煙危峰懶著鞭聊將臨水意為我謝悠然

明巖寺

路轉標霞外雲開綬帶前幾層山底屋一線竹間泉洞

口石孤聳巘頭峯倒懸故應風雨際行子總回鞭

臨海記云

寒山有石室前有立石參差如侍衛者
悉五色遠望侶綬古今相傳為綬帶山

寒巖寺

峭壁插青冥層巖覆化城空中清磬發幽處慧燈明萬

瓦是雲氣四簷無雨聲豐干不饒舌此地孰知名

寧國寺

幾日山南北將期汗漫游水痕秋雨過竹色曉煙收
宦海何時了僧房為少留却尋歸去路餘興謾回眸

曉發泰安驛

秋夢不能曉起行山徑迷小車驚宿鷺列炬誤鳴鷄
冷覺霜華重光瞻斗柄低金庭有佳處芳桂相幽棲

寧海三瑞堂

久矣馳魂夢今登三瑞堂故山有喬木近事話甘棠展
驥慚充位占熊憶問祥白雲留未去極望是吾鄉

贈崇教寺顏上人

禪窟夸金碧經行失舊蹤鐘聲穿茂竹轍跡蔭長松遠
到水常瑩前陳山更重勤勤紫藤杖一覽為從容

次韻蔡瞻明登巾山

朝來爽氣冠層丘急雨驚風正麥秋要得雲軒聊放目
何妨松徑暫低頭

名疆局促祗懷慚
飄忽熙春月過三
矯首白雲千里外
此心無日不江南

好句聯翩見未曾
品題今日欠鍾嶸
登臨自有江山助
豈是胸中不得平

曾宏父見招賞梅時范子芬欲行

翩翩畫戟對春光
命客重登千仞岡
坐上行入傾別酒
花前小雨伴啼妝
雪膚不為輕寒瘦
玉骨何如昨夜香
麗句競傳新樂府
誰誇何遜在維揚

題大龍山龍祠

夾日受五飛論功中興主

龍父有五子建炎末有功封侯諸子賜額

宛宛龍

父尊茲山職霖雨

交翠亭

政和丙申家居主寧海簿明年作交翠亭是秋而适生後二十八年适來貳邵事踰

年行縣至此感舊懷遠賦詩二章三瑞堂已見前篇

三十年中事驚棲築小亭寒聲長新籜清閤拂疎櫺水
轉前時綠山濃遠處青重來勤問訊此別記秋螢

初至天台

曾幾

疇昔所歆慕天台冠坤靈興公妙摹寫粲若披圖經自
憐嬰世網仰愧鴻冥冥夙契諒非淺半生吏金庭成此
一段竒得按東吳刑又分臨海竹想像山圍屏稍稍向
鈴閣行行叩禪局一丘與一壑所見皆所聆石梁卧劒
戟布水驅雷霆五百大開士神光閔林垌於我定不薄
是事初無形寒巖二隱者在眼誰能青庶幾閭丘守胸
次明渭涇向來石磴耳鬬訟終朝聽淨洗塵俗狀數上
參雲亭

謁靈康廟

玉霄峰外海西頭即是衰翁所領州
雲水茫茫長發興
春山疊疊未生愁
舊時英物餘千載
勝地叢祠尚一丘
苦雨淒風莫為崇
與君同樂亦同憂

登玉霄亭

老荷君恩付赤城
瘦筇扶上玉霄亭
懸知地接溟溟海
坐見天橫兩兩星
作賦興公虛想像
謫官司戶實飄零
衰翁何幸分符竹
一覽東吳未了青

寒食日遊東湖

官曹顏狀滿塵埃，負郭陂湖眼為開。
春色少留如過客，賞心多病只寒灰。
黃童白叟喜相告，皂蓋朱幡能一來。
日暮遊人歸去盡，沙邊鷗鷺與徘徊。

題雙巖堂

老子徜徉地，巖幽想像間。
綠陰城角路，青嶂屋頭山。
簿領唯生睡，壺觴不解顏。
使人留眼處，龕壁字回環。

戲作盆池四於和青堂

陂湖春盡水茫茫收拾波濤入小塘睡起微涼馥荷氣
雨餘斜日麗萍光聊為堂下龜魚主少退堦前鴈鷺行
只欠盆山數峰在併持草樹作青蒼

六月十四日大雨連朝喜而有作

黃金北斗高何侶六月雨舉頭看雲霄此秘初未覩今
晨沛然下其勢莫能禦既蠲人鬱陶又長我禾黍誰言
為郡樂病不對尊俎侶為神所憐用是娛悅汝緇黃喧
諷誦巫覡亂呼舞惠然從風來是事一不舉臨民多秕

政何道致如許稽首謝皇天傾心奉明主

七月初一日復大雨用前韻

山頭一寸雲山下一尺雨青天在層陰未用遽披覩懸
知壠畝間不著蓑笠禦呼兒趣秧稻婦催饌黍使君
同休戚有味勝鼎俎聞小人言無復怨詈汝行看黃
雲翻不獨翠浪舞敕厨辦十觴領客醉一舉不知城東
湖今夕深幾許鷗鷺莫相疑龜魚且為主

同鄭禹功登巾子山

天台鴈蕩天下奇豈不欲往官縛之中山只在郡南郭
曾未著眼真成癡今晨排遣簿書了往赴鄭老同幽期
羊腸轉盡得蘭若飛鳥不到雲雨垂青銅鏡外翠屏遶
中有萬屋魚鱗差古來二事不兼得此地一覽俱無遺
蓬萊方大果何許雲駕飈馭知為誰赤城風月幸好戲
驅取鸞鳳相追隨

參雲亭晚坐

大暑不可避微涼安所尋雲霄非濁世竹樹有清陰海

近風先集山高日易沈無因見明月螢火亂更深

聞東湖荷花盛開未嘗往遊寄鄭禹功

言登巾子山天外入眼界呀然城之東一鑑如許大得
非所領州其下臨渤澥乃知湖浸潤便覺井邑隘朝朝
橫烏紗莫莫東韋帶何曾官事了祇使人意敗徑須水
清泠一洗胸芥蒂昨來放船好如更宅爽塏四圍純浸
山碧玉亂石黛兼隨鄭廣文人境兩踈快維揚幾同寮
獨喜此翁在只今萬紅粧一一倚青蓋柳陰閑畫舫荷

葉繞公解髮絲禪榻上句法出蔬菜因之雙鯉魚慎莫
欠詩債

中秋登玉霄亭翫月

玉露金波不可孤瞻相今夕定何如氛埃未淨雨前洗
陰翳小留風掃除丹桂看來能了了白榆種得許踈疎
一枯濁酒非難事未有清詩報答渠

遺直堂并序

三孔幾之舅氏也伯舅舍人熙寧中實為台州

從事手植檜于官舍之堂下逮今八十餘年矣
紹興丙子歲幾假守是州因呂遺直名其堂十
月既望會同僚於堂上賦詩六章用叔向古之
遺直為韻呂告來者庶幾勿翦焉

三孔吾渭陽猶及見仲叔堂堂舍人公再拜但喬木
長身一庭中勁氣九霄上思公立朝時凜凜不可向
策登董相科賦作長卿語劉牢出外甥愧我不如古
老栢蜀人愛甘棠召南思領客清樾下作詩永歌之

元祐幾閱歲諸公一無遺吾舅典刑在神明力扶持
柏葉松其身在時公手植雜樹誰所栽一錢初不直

同僚皆次韻幾亦復次韻

蒼官可長雄餘子皆季叔所呂吾外家深栽後凋木
高標何許看小閣有時上烈風知人懷柯葉盡西向

孔公昔所言父老不能語雄詞翠珉上如此樹高古

此州

修城記舅氏之
詞也石刻存焉

鬱鬱歲寒樹悠悠渭陽思敢不念栽者自今日培之

大廈要直木郢斤棄如遺置之諫省上王魏不支持舅氏

任推官日應直言極諫科呂力詆新法
忤時相意罷歸故官元祐中擢大諫

勿哭西州門悲歌詠曹植故有主林神百年依正直

和李宗丞

海邦西渡即朝廷雙闕瓊臺天下名跋馬望君真屢矣
拏舟過我大遲生門闌不日登元禮句律今朝得少卿
已辦黃花一尊酒有如江水莫寒盟

題中山廣軒次韓無咎韻

鈴齋偏仄未銷憂暇日聊為怡憤遊喬木中間藏古寺
籃輿直上得名流豈無雲水連孤嶼亦有山林望一州
後日玉霄峯頂去憶經行處為回頭

恭謁台嶽桐柏觀紀事

謝伋

拜恩散號在茲地乘興真遊駕小車擁笏朝真香火罷
虛明庭院靜無譁按圖默記金聲賦意氣直欲登仙槎
龍淵三井流膏乳瓊臺雙闕飛雲霞玉堂珠閣不可到
山靈勒回因念差金壺龍檢世已遠五千漆字猶堪誇

如今丹筆已漫漶風日暴炙元無遮元公豐碑壓千柱
擇木小隸湮塵沙丈人巾屨青松下道士甌蟻隨傾茶
謂予讀勅見陳請州帖次第來幽遐了知君心棄符竹
不敢復獻旌節花我今便欲老巖谷亦不求棗大如瓜
洗心脫然去塵累不慕盛麗并紛華黃衣青藜或可遇
願授竹簡觀聾牙人生信是行樂耳豈復自恩同池蛙
茲行已占平生勝後來游觀寧復加清興不極尚忘返
長天日暮空咨嗟

靈巖寂菴辭才師有羅漢樹一株移自台嶽託根
木香架下頗妨成長因寄沈水香往易之

台嶽石為梁苔滑水湍激應真所遊處林杪飛杖錫遂
令山木間變現如所歷扶疎冠琪玉不受霜雪滴當其
含蘂時知狀曾目擊端如尊者相相呈咸可覲掌合貌
甚恭頭光不加窳升高真躡虛集宛聊憇寂枝棲過三
宿神通渺難測不於下成蹊俗眼何曾識四皓共木奴
大槐蔭土國孰非夢幻間昧者徒自惑況此方廣徒衲

身豈人力我有一瓣香敬為千百億漂搖風雨中此地
何偏仄向來專一丘不受山庭勒盤踞來藥寮使我親
封植清泉堪晚漱甘露克朝食掃除有浮屠高下宜降
陟稽首達聲聞應供毋難色

買舟過雙塔夜阻風舟中有作

高閣臨流雙塔寺扁舟艤岸一帆風夜潮迷浦難安枕
晝雨翻江只閉篷入境行時雖甚逆我身著處本來空
明朝乍喜團樂話應忘波濤洶湧中

恭謁靈康祠下二首

嫠女光分鄰土壤赤城標建絕紛埃叢祠祇事無終古
靈迹相傳有自來屋上飛煙梧鼎熟水邊迎棹度船回
大神如在匪徼福但欲乞靈消旤哉

生求同志論心事沒聳邦人福禍間吏奉勅書躋舊典
廟長血食配崇山刲羊刺豕來村社鼓瑟吹笙出市闌
報余豐年更晴日稻杭克羨老農閑

某昨日起景伯通判正字宴集坐間使君郎中有

詩問訊末章仍及今日湖上之約輒次嚴韻

巾車入郭解愁顏著我羣賢俎豆間
小隊出郊還許從清詩首唱詎容攀
溪風杜守吟秋浦雲月韋侯夸盛山
何侶赤城遺暑濕東湖盡醉碧筍彎

洪景伯正字分繡閣

層屋周遭列岫圍碧滋紅彩眩晴暉
境中一段明稜出望外千春碎縷歸
疊嶂分留女媧練飛流不雜衛文衣
主人亦是登臨客鳳閣明年詠紫薇

子忱崇道吏部寄書問訊并寄藥物適當風雨夕
長句代謝

數間破屋壓崔嵬經月何人共酒杯
入耳了無門外事關心惟訪藥中材
一山秋色連雲暗半夜風聲夾雨來
欲向天台招賀監未應容易拔船開

題瑞巖惺惺石

寧復露稜角明心不受欺
千年誰可轉空照是宗師

滴滴泉

滴瀝來無盡秋聲雜水聲縱觀深省後一酌更心清

奉酬洪景伯

屏居常恨造門疎覲面真如得異書昔年丹筆勘閣本
此日海邦題坐輿幸接好音聞正始豈惟妙句突黃初
道山學士來車騎還使林僧識佩魚

藥寮候洪景伯

十日元無兩日晴小園幽事最關情早披鶴氅看雲出
晚踏漁舟趁月明夜雨洗來脩竹淨曉風吹入瘦松清

野亭花逕綠君掃
娟娟秋聲動旂旌

天台李公孟長官出示桐柏觀百丈坑玉蘭且索
賦詩繼以一本分惠又復見督勉為之賦

桐柏古福地瓊臺上侵星僊人種
玉處瑤草猶亭亭羽人紉作佩
瑞露濯芳馨懸崖百丈坑九疇
誰得經真境有誰何守護煩六
丁長官仙李氏不畏茲山靈河
陽無數花葉葉銜紫青愛此貞
潔姿不露凡卉形命彼輕舉者
竊取巖中局封植入籠檻羅列
旁軒屏結根失所託

摧殘日飄零揖我求我言矢詩當見聽草木遂其性民
物自安寧君其毋求奇采掇庶可停蘭玉近取譬何用
專堦庭人觀盡白眼莫遣下青冥

過護國廣恩寺

地隔三江雲水深那知帝子啟山林咸京築館今誰主
白晝松風哀怨音

同季父遊東掖能仁寺

兩寺從分有白蓮人瞻東掖舊承天重尋貴主布金地

共飲神僧卓錫泉阮叔林間攜伴侶支郎社內許留連

欲迎瑞相還龕去香火靈山古佛前

寺僧云殿中佛本靈石古像靈石吾

門功德院也

巾山

樓 鑰

字大防

兩黿鼎顛隨西行勢欲吸盡西江清是誰繚呂千丈城
欲去不去豈不靈化為青山鎮東溟首冠寧堵雙崢嶸
安輿從東喜逢迎笑指黿背同來登春殘雨足綠陰成
山鳥相和聲咿嚶自從半山經小亭仰望巨石扶軒楹

千山萬山擁翠屏陰霾掃靜纖雲興翠微下有長江橫
袞袞不盡千古情廣軒俯瞰萬瓦平佳處歷歷堪指名
雪蓬感雲連曲肱蜂房蟻垤棲殘僧扶欄更上三兩層
一覽物象無遺形徙倚未厭茗椀傾長嘯兩腋清風生
親顏甚怡輪為停我亦色笑喜不勝願我雙親俱遐齡
方瞳鍊顏華髮星如此兩峯相對青

次韻沈使君懷浮岡梅花

玉人迴立山谷裏不有使君誰與憐毋庸高牙煞風景

為著佳句增孤妍寒溪照影謾千樹橫笛吹殘又一年
傳聞年後更多在便思躍馬趨平川

彭子復臨海縣齋

乾道癸巳冬此邦我經行鬱攸氣未殄千家真赤城來
訪臨海令瓦礫紛縱橫翹然三尺高問是戒石銘徘徊
重太息更聞愁歎聲試詢來者誰共言令姓彭我時語
傍人此邑其將興迨予來贅倅客館方暫停夜聞簫鼓
沸聽事先落成起望輪奐美壯觀聳連甍百堵日呂作

斧斤喜丁丁層樓度勅書兩廡環中庭久乃遊其間宏
大使我驚位置既深穩斲削仍攻精田里不知役纖粟
無輸征安得屋朗朗突兀有寧馨退食不苟處扁榜皆
佳名中虛物自照政平由心平穉柏已可悅況有賢弟
兄小亭真吏隱縣擁高山青琴堂雖增舊此意宜細評
智調天下理夸言笑後生大弦可呂急小弦恐弗勝舉
意屬俄頃立欲如所營手足民無措吏姦益相乘不如
疎節目示呂信與誠施行有次第幽遠無隱情上下始

相應溫和亮呂清子賤意不傳僅許勝戴星彭令蓋得
此所呂千里稱此非呂政學淵源甚分明行矣解印去
衆心已先傾太守薦之朝一鶚飛青冥傍無蚍蜉援日
夜思歸耕我無薦賢柄直書氣填膺安得採詩官取呂
徹明廷

游天台石橋

兩龍爭欲赴深壑觸破山骨成脩梁滔滔共出一門去
凜凜直落千丈強初疑鞭石跨滄海絕勝乘鵲橫銀潢

要須高躡前峯過往叩山中真寶坊

黃巖令鄭仁叔索委羽洞詩

君不見王君羽化脫秦厄故山至今名落翮又不見烏
程野鶴投髦毛佞臣稱瑞民斯勞何如奉林控鶴登青
霄脩然委羽登山椒青衣出入洞方杳紫氣氤氲風尚
飄令君頗侶丁令威鶴馭久去雙鳬歸山川良是人民
非一新琳宮還舊規黃山父老歌循良誦君詩句游雲
房更將山石比堅操百碎猶能徹骨方

送趙仲禮守天台

棧間社稷臣卷藏經濟手功名付諸郎秀出諸公右大
兒倅東嘉洗印未云久次子鎮赤城急流去何驟二者
皆為親欲奉喬松壽況有戲綵堂可繼清獻後鄰封尤
便養榮侍各畫繡春風扇微和安輿雲出岫家傳吏師
法從政於何有還歸鴛鴦行金印當擊肘向來嘗佐郡
山川若僚友南渡多北客風味中都舊士夫喜公來紛
然迎馬首其中多故知頗問老夫否

國清寺

夾道青松引客來五峯雙澗擁樓臺
豐干饒舌留公案
隋帝遺書暗古煤
最喜親輿來里社
真成春月上天台
陰雲掃盡尋幽去
佳處端疑為我開

天台道中口占

路上人家短竹籬
縹緲蠶川麥自熙熙
可憐日對千尋瀑
不解閑吟半字詩

寄管叔儀通判并同官

執別僧坊日未斜
別離愁緒滿天涯
清霜已落衰楊葉

小雨頓開喬麥花
醉裏不知身是客

江南李主詞

酒闌無柰

客思家

歐公夢中句

憑誰寄語三夫子
歸路還須好句誇

陪沈虞卿使君游錢園

休沐無官事
公庭晚放衙
城中尋勝地
道上引高牙
潭府支芳徑
東巖訪物華
山林真負絕
棟宇謝豪華
陶令親栽菊
秦侯晚種瓜
裴公餘綠野
六一醉琅瑯
幽阪森三友
飛橋粲百花
樹深藏曲折
谷險露谿斜
道院羅星

斗禪房供釋伽鼇峯思御氣畫舸想乘槎佳處城環雉
吟邊路繚蛇登山攜翠袖唱道屏銀牕井市花相映湖
陂柳半遮高歌驚野鳥疊鼓亂鳴蛙陞級青珉滑秋千
綵旆斜叢篁穿嫩筍芳卉綻新葩靜憩方開宴徐行更
試茶仙醪斟瑪瑙玉指奏琵琶清絕囀塵遠蒼茫望眼
賒詩情彌海嶠飲興渺天涯賢尹民同樂名郎子克家
才高修月戶筆妙補天媧揮麈風流勝憑欄笑語誇追
風慙欸段倚玉愧蒹葭逸韻迷春蝶清歡接暮鴉舞茵

收地錦畫燭照籠紗
耄耋稱欣相告與臺靖
不譁微風朝趁馬
好雨夜隨車土脈興
原隰霖膏潤甲芽
相將勸耕去和氣滿
桑麻

巾山曲肱齋

山立青冥外人行紫翠間
小窻開木末孤塔映江灣
平楚不勝遠白雲相與閑
我來不暇寢冷坐對前山

倅廳雲水亭

山遶澄江江遶城
水雲徑接海冥冥
萬家曲折在吾目

一郡登臨屬此亭今日詩題隨處有幾番醉眼望中醒
風流鄭老知何在回首蒼茫島嶼青

再過鹿伯可

又上先生見一堂澹然賓主兩相忘不知海內清風滿
但覺山中白晝長小雨絡林妨蠟屐靚粧環坐快瑤觴
曲終扶杖欲歸去朗詠白駒三四章

送汪強仲還台州官所

又向丹丘去安書易往還固應官事了莫放舊書閑問

金分月入全書
卷三
訊雲巢老寄懷巾子山經行皆夢境自笑日蒼顏

宿僊居民家

投暝人家欲睡時雨聲不斷水平池回頭已過三江渡
醉著車中總不知

次韻李孟達使君與林雪巢子季武詩

古梅巨石瞰清池觴詠曾陪老啟期別我遂成千古恨
傳家空有一編詩使君尚爾悲陳迹處士惜非同此時
若使南樓與清賞胡床應奉庾元規

次韻李使君追悼雪巢先生

文龍竟復老汚池一笑應從造化期
環顧室廬無長物流傳人世有新詩
慇懃池上相從處悽愴床前永訣時

更有後來賢太守遡風猶解挹清規

予為台州雪巢屢從予飲池上未幾

病不能起比予罷官別之牖下

題萬壑風煙亭百韻

郡丞趙景安新建

彭郁字文蔚

風在不周山空闕底事同煙訪兩淞
煙生廬阜香爐峯孰使隨風至吳越
風乎與煙相得外還有風雷并雨雪

煙兮與風相好餘仍有煙波及霞月誰知此處一萬壑
祇樂風煙餘不說枯蒼攬天三百里熊熊魂魂迷巒嶂
蓋竹騰空一千丈洩洩熒熒蜚萃律洪濛霧氣蕩歸鴻
滉瀡嵐芬惑回鶻前岑不陣有旌旆後岫無人何幕帝霄
霏冷逼盧橘秋薄浥輕縑礧砢飀飀遙觸楊梅寒細
擗新綿摩崢岼望海尖頭培塿細盤匝瓊瑤高拋繫恰
幘巾邊花草薦彞博旃檀飄馥苾劉晨長嘯出天台填
填浩氣陵寒憲王母馳車返玄圃續續羽旆揮斜日雙

巖瑞巖插雲漢寒颼冷靄紛膠葛大固小固並闌闌碧
尾青炊浮颼颼黃巖洞裏石老人曬被兵編資颼颼白
鶴山頭丁令威清音嘹唳渾颼颼玉帝盤桓石臯宮鬱
蔥佳氣浮山祝天王宿留壩外岫羽儀仙隊輝天閱長
河匹練耀白帝鉅浸杯醪飲紅蜺永慶憑陵睥睨寒蒼
狗白衣勞目刮護郭崢嶸星斗爛霧髻雲鬟誰指結靄
濛遠巘失高低雲渡石湖驚沒滅徑山氣接日山寒翠
谷香浮銀谷醇東門峻峻露觚稜天竺黃高彌突兀玉

女蛾眉霏洗鬢木天石佛雲封鐫千家嶼逼水雲廊木
屐山陵閭闔臬般若臺高迷遠近溫涼座上清飄撒吹
開越嶂萬機錦貼落吳江千樹纈九層臺外遞韶音萬
年枝上光搖樾或踰遠漢寵丘嶠或跨長空冒岍屹或
邀濃霧迨晨晡或尼清氛當日昃或隨小雨晦青冥或
佐狂靈黯遙薛或昏溪洞晚方散或蔽雲筌朝便別或
過千山凝古樹或經四野留寒拙或棲江上寒竹稍或
泊野外荒蕪末或伴游絲春晝飄或侶涼薰夏朝趁或

時避舍秋空雨或閒回車冬日霰或穿楊柳絲線亂或
度浮圖鈴索掣或塞空裏青紙鳶或蕩郊中黑風鳥或
經花徑殘紅隕或入松林濃澱杙或歷江河諸艦舫激
揚帆縵搖竿縻或到遐邇諸精舍增光金碧韻銅鐵或
侶漢祖憩芒碭漫空霧靄凌雲闕或如唐帝幸驪山燦
爛旗常雜青赤或侶地仙列禦寇攜筇御氣乘颯颯或
如雷部謝仙火亘天電焰揮霹靂或侶遊月訪姮娥仙
樂八方吹遠闊或如焚野覓功臣燼氣四隅光倏忽或

侶洞庭百丈檣自西自東隨意屑或如岢嵐三尺地不
燧不鑕常燄突或侶魯國焚咸丘助張狂吹勢難猝或
如公瑾戰赤壁虎嘯波狂那得熄或侶牧兒藝秦陵猛
火照天三月熱嗟余真有山水癖每遇亭臺須訪謁丹
丘僅過元宵火便問登臨求快適節愛堂寬稱起居揖
爽亭涼清奧突玉霄欄畔憶仙遊望海亭邊思水活欄
前放目四極遠波泛玉虹流莫歇芡蓮香吹滿堂閣廣
軒梅峽紀碑碣知樂流杯亦屢遊翠屏舒嘯時排闥暨

被城南韋與杜亭臺軒檻俱窮歷或誇小景怡情性或
詫巧營煥朱碧或因沮洳穿池沼或取簦簪排一列或
取燕閒扁美名或思德政存前跡橐籥鞞寬風浩渺天
地爐紅煙蓊鬱未委眼前諸勝賞風煙比較誰優劣奇
哉倅解後山亭地不百容天路越壑多聊以十千數幾
許風煙難盡揭鑿沌不知今幾年賢哲治中凡幾物怪
底勝藏俱不知知亦詎能營柄杲趙君眼力高夙古纔
得基堦榛即掘巖扃萬壑歸指顧飈靄彌空攢屏攝赤

城千里諸勝遊從此斯亭為巨擘謝守城頭顏目汗輞
川降旒應高沒余將會稽問夏禹封嶠何得專車骨玉
帛幾時來萬邦侯甸云何分五百亦將東洋問大士象
教何時啟禪律雙塔已多諸佛機鴈蕩又何有僧客亦
將甬東問勾踐當日如何興霸烈還君會雪臣妾羞千
載英雄光史筆且生且教俱十年孰云外物人難必亦
將海上問羲和日昇暘谷隅夷宅月何與日時相望日
何與月時合璧寅賓平秩順時四璿璣玉衡齊政七四

隅蒼生感不冒惟天惟有堯能敵婆女柯山日月長白
黑圍棋窮理窟潮頭隱約子胥魂夫差可見無心術王
喬跨鶴水中島丹砂九轉成靈粒楊妃隱跡海上山方
士時聞登閶闔對景思人人不見風煙却羨常陞陟枝
上吸風蟬不饑空裏食煙颺費力細思眼界兩么麼俯
仰屈伸誠有得蓬萊閣為亭作兄栢梁臺為亭作伯騷
人凭欄無一事滌硯濡毫恣思索酒客登階無所為挈
榼攜壺忙遜揖水仙海若儻俱來任自亭前說玄極惟

予惟魯無寸長祇聽聲咳東君側

天台續集別編卷三

欽定四庫全書

天台續集別編卷四

宋 林表民 編

贈雲深毛洞元

范成大

字至能
號石湖

台山一萬八千丈蓮花峰在諸峰上峰頭結屋屋打頭
獨有幽人自來往湖海雲遊二十春歸來還作住庵人
漫山苦蕒食不盡繞屋長松為四鄰丹訣三千滿雲篋
悟來且喜無交涉清晨石上一爐香此時天地皆欣合

我衰無力供樵蘇尚能相伴暖團蒲但恨瘦筇綠未斷
會把蓮峰分一半

送通守趙積中請祠歸天台

城頭千峰青繞屋城下灘流三百曲誰云偏仄復偏仄
尚有高軒肯來辱紅梅花下雨芳春主人和氣如卿雲
紛紛塵土簿書裏見此縲藉天球溫厚祿故人車結轍
掉頭獨泛清溪月不從世外得超然世間誰肯如公決
平生我亦一沙鷗心在黃蘆白葦秋安得從公江海去

破煙衝雨刺扁舟來歲煎茶石橋水東山已為蒼生起
道逢蓑笠把魚竿即是馬曹狂掾史

寄題鹿伯可見一堂三首

夢覺春闌俱轉蓬仙凡今隔玉霄東聊攀鐵鎖問何侶
豈敢避堂邀蓋公

生來於公一歲長決去愧我三年遲今世誰不落第二
著鞭尚讀堂中詩

雪溪興盡船當回却擬登陸遊天台經行見一堂前路

轉入湖山尋悞來

謂仙居
吳公

送謝子肅提舉江西

楊萬里

字廷秀
號誠齋

天台山秀古多賢晚向池塘識惠連十載江湖州縣底
一言金石冕旒前方陪廷尉甘棠舍又賦皇華小雅篇
拾得澄江春草句端能染寄仄釐箋

誰遣孤舟蓑笠翁強隨桃李競春風交情頃刻雲翻手
古意淒涼月印空可笑能詩今謝朓也能載酒過揚雄
待渠歸直金鑾日我已煙波放釣筒

寄題天台白鶴廟西泉

為司農顏魯子作魯子始尹臨海禱晴于祠下
見殿之東砌有泉而西獨無因念安得西泉未
幾有泉出焉

東泉千年流不休西泉千年秘不流臨海令君一念作
猿鳥未知泉已覺殿脚西頭蒼石根向來元無泉眼痕
一朝擘崖迸膏乳却與東泉作賓主令君已昇金掌中
白鶴古祠煙雨濛父老思君難再得登亭飲泉三歎息

祝君公台壽千百

林景思寄贈五言長句謝之

華亭沈虞卿惠山尤延之每見無雜語只說林景思試
問景思有何好佳句驚人人絕倒句句飛從月外來可
羞王公薦穹昊若人乘雲駕天風秋衣剪菊裁芙蓉暮
宿銀潢朝蓬宮我欲從之東海東西湖柳色二三月相
逢一笑冠纓絕醉招和靖叫東坡一吸西湖湖欲竭我
醉自眠君自顛路人往往指作僊此輩何曾識此樂識

與不識俱可憐別時花開今已落思君令人瘦如鶴夢
裏隨君攜酒瓢同登天台度石橋瀑泉界天瀉雲壑長
松拔地攬煙霄與君聯句章未了帝城鐘動西峰曉海
風吹墮珊瑚枝乃是先生寄我詩火雲燒江江水沸君
詩清涼過於水定知來自雪巢底恍然坐我天台寺

酬兒平仲高士二首

鴈蕩天台半點雲秋風吹作一詩人裁花翦月何時了

也有新篇乞

音氣

病身

我被詩名賺一生君今籍甚得詩名青原白鷺元無脚
又趁芒鞋入帝京

台州郡圃雜詠十二首

尤 袤

字延之
號簡公

昔賢已跨鶴故跡餘參雲舊德慨云遠干霄氣仍存青
山宿霧捲喬木蒼烟昏尚想來遊處笙簫中夜聞

右參雲亭

兩巖鬱青蒼中有堂突兀回廊外環遶脩竹布行列懸
崖上幽徑窺壁見遺碣面牆誰所築除去礙膺物

右雙巖堂

青山圍郡城東望獨空遠
蒼茫溟海近想像蓬萊淺
朝光上遺堞雲氣接虛巘
羨門與安期鸞鶴若之眼

右玉霄亭

山亭在山背不見山巍巍
但見四面峰輻湊朝宗之深
藏固甚智自牧甘處卑
一謙受四益是已能不危

右匿峰亭

草堂有遺基榛莽歲月久
我來始經葺挹翠開戶牖
羣

山供笑傲萬象皆奔走所召名樂山欲企仁者壽

右樂山堂

失脚墮塵網牒訴裝吾懷公庭了官事時來坐幽齋天
風肅泠泠山鳥鳴啾啾我思在何許獨對蒼然崖

右凝思堂

堂堂文簡公一世變與臯君子哉若人此言聖所褒遺
愛在斯民誰能薦牲牢獨有坐嘯地清風仰彌高

右君子堂

舉世溷濁中誰當清見底崎嶇太行道誰貴平如坻安

得

闕

美如此一池水悠悠小閣

闕

視水知此理

右清平閣

闕

赤城山霞色起夜半建標自古

闕

羨吟翫僊

人

闕

手若可喚彤光射胸臆三嚙骨自換

右霞起堂

攀梯上甃級上憩得危亭一覽盡寥廓四山聳寒青浩
若凌太虛翩如逐遐征昏花拭病目望處增霞明

右駐目亭

誰憐窮山民糠粃不自贍紛紛死溝壑往往困征歛夫
惟節與愛可謂仁且儉揭茲聖人言聊用自鍼砭

右節愛堂

右靜鎮堂

闕

台州四詩

三日霖霖已渺漫未晴三日又言乾自來說道天難做
天到台州分外難

百病瘡痍費撫摩官供仍媿拙催科自憐鞅掌成何事
贏得霜毛一倍多

多病多愁老使君不憂風雨不憂貧三年不識東湖面
枉與東湖作主人

兩載終更過七旬今朝方始是閑身細看壁上題名記
六十年間只五人

寄林景思

臨海睽離七度春都城相見話悲辛蒼顏白髮渾非舊

短句長篇却有神一第蹉跎真可嘆半生奔走坐長貧
老懷先去聲自難為別相識如君更幾人

遊石橋至塔頭路

徐大受

字季可
號竹瓢

招手晴雲豁妙高峰頂頭竹輿搖午夢茗椀喚春愁
豆羅千嶂虛空起一漚危欄閑徙倚萬象入冥搜

入石橋路林木翳鬱但聞澗聲潺潺忽驚湍飛電
駭綠紛紅雜然而下口占二絕句

畧約微分碧玉灣杖藜穿破鬱藍天山深草木春無路

時有藤花一樹妍

琮琤林澗只聽聞想見縈崖絡石紋忽作驚湍濺飛電
半隨花雨落紛紛

方外詩友機空二禪婁詫蓮峰五月梅雨深林藂
薄中娑羅花特異每已未見為恨夏初過此
而橋東是花豫開豈應真大士出此以相勞耶
九葩一萼鶴翎紅開落梅黃煙雨中千葉青蓮無路到
不知春在石橋東

入萬年謁簡庵清老追和曾使君詩板韻

踏破深崖蒼石稜八峰來謁簡庵清山花照座一兩點
雪狖叫雲三四聲詩帶烟霞藏舊刻門開樓閣見經行
平田淺草歸時路風月依然度百城

歸路過福聖觀瀑布輝老踞坐盤石二絕題飛雨
亭

電激河翻白雨飛青煙紫霧落斜暉山中道士祕泉石
只到此亭牽客衣

一水高懸千尺梭空林終日影婆娑仰天雄踞盤陀石
尊者真身諾巨那

送輝老自赤城住聖水

道人去住本無心雲出空山鶴在陰試問白蓮同淨社
何如赤壁卧青林叫羣孤鴈水天濶啼雪冷猿巖洞深
要勘山門騎佛殿春風杖錫儻來臨

題林詠道浮江別業

密林凝晝寂一葉動須驚砌淨飛花影池深落果聲正

宜鋪枕簟且復倒瓶罌向晚催歸急煙江野艇橫

寓天台水南四首

林憲

字景思
號雪巢

小雨淒暮春入夜寒更作泠泠竹間風振我衣袂薄野
田鳴流泉密樹紛翠幄躡屐徐我行長懷付寥廓

懷古不知寒洗心忘百憂怡然方寸地得與賢聖遊南
澗兮泉甘北山兮雲幽彼紛兮何之茲盤兮吾留

春雨暗前山春雲行遠林月落鷄犬靜誰聞梁甫吟巍
巍兮高山泠泠兮好音誰聞梁甫吟惟恐山不深

夔皋不著書周召不決科端坐廟堂上四海臻泰和此
道固如是後來文藝多嗒然空山中獨抱明良歌

天台萬年山羅漢樹

羅漢嶺頭羅漢樹開闢餘工所鍾聚百圍直上摩紫霄
鐵剝犀空自無蠹積年魔怪不敢棲暫過鸞鳳却迴顧
初晴偃榦礙雲霓欲雨蟠根起煙霧聲回浪吼東海鯨
影落雲侵石橋路氣陵太古化兒驚勢壓羣材梓人懼
陽開陰閉資指南地弼天承賴撐拄凡斤俗斧遠遯逃

黛色蒼皮未須疏巖靈樹異如相語傑葉豪柯翠雲覆
冰霜坐閱無古今合抱雲仍仰雄據豈同澗梓與壑杓
未歷千年隨草腐我來駭識天下奇斗酒澆之共軒翥
行人莫擬明堂柱險徑無來萬牛處盛時要用真棟梁
宜使蠟危可平驚指呼刊鑿動六丁匠氏仍煩修月戶
轉隆廣屢蔽蒼生何止增華萬年趣懸崖黯慘陰風吐
振谷徘徊忽號怒纖梢嘯舞山雨來石走雷轟鬼神怖
未容造次搜奇句五百尊師所呵護

丹丘書懷

靈鳳山前花片飛，讀書窻下碧雲棲。
斷崖流水春不盡，苦竹紋禽日夜啼。
禽聲不歇日欲暮，一點清燈照環堵。
鏤鉚挂壁龍影寒，默坐焚香聽春雨。

梅花二首

台州郡
圖作

陵晨汲山泉盥洗，甫云暇徐行脩竹間。
小立疎梅罅尖風耿薄，日色影寒相射幽香定。
有無紋禽踏花卸

池邊石陂陁水光上梅梢石上古隸字鮮剥風蕭騷樹

老花秀發冰生香動搖只恐字磨滅不愁花寂寥

台州兜率寺淳熙三年孟春作

一榻江色近夜氣欲空濛柔櫓晚潮上寒燈深樹中
四山杳煙霧月華忽陵空我亦衆念息簾影空玲瓏

春江潑天明蕭寺踞山塢荒堦下鳥雀古木颯風雨徐
行石苔花徙倚望江渚日暮山更寒簷頭鈴自語

寺門闌南江江勢浩相嚮風雲互吞吐山色豁林樾潮
頭捲飛煙白雨挾春漲中夜鶩鶩喧誰家海船上

月色半古寺蟲聲雜疎鐘江城繚山色星斗搖空濛徐
行不自覺徙倚樹影中忽然變煙雨江上東南風

老樹半藤蘿野色入窻戶空明浮屋梁蕭爽發幽趣晚
涼進微風平江瀉煙露露久山月來蟬聲發高樹

使君沈虞卿宗丞命賦郡圃羅漢樹其樹葉如楊
梅經冬不凋生子若羅漢然使君云奇特古怪
前所未見也

參雲亭前羅漢樹非檜非杉獨雄據

天台萬年宴坐峯
之大杉大檜皆名

欽定四庫全書

卷四

羅漢樹子
嘗賦之

蒼皮剝落珊瑚寒錯節輪囷海花蠹脩圓佛

指葉沃光刺歷蝦筒槎倒豎銅柯不受鴟鵂穿翠葆還

容藤蔓附藏牙斂翼方屈蟠奮鬣張鱗忽馳騫突如破

浪六鼇迴蜿若驚雷蟄蛟吼摩空颼颼永夏涼薄霧慘

慘晚秋雨白猿叫月時出沒紫鳳棲煙乍飛舉

郡人相傳樹有

白猿出於月明之時慶歷中有禽若鸞鳳而紫色棲於曉煙之中故云

開花瑣碎兒女笑

結子糝糊羅漢具威儀莊肅初入定向背跏趺欣共住

蒙頭大侶安禪時瞑目還同摩頂處得非天台五百僊

此地鉢提曾得度偶然一念落樹石不覺形骸成布露
何時收拾過石橋未免根株伴龍顧更疑地主屈將軍
開闢巖荒肇城宇翦除魔怪迎道猷飛錫半千此焉駐
神通墮在造化中千載英靈飛不去犀堅久矣耐風霆
樗散非徒免斤斧盆山秀聳不足論猊座婆娑通一路
崢嶸下笑桃李繁竒怪應須鬼神護使君自是名世才
善政報成多暇豫悠然領客上參雲篆隸傳觀酒深注
平生好古丘壑會指樹軒渠命之賦我無文章光焰長

搜攬經時乏佳趣昨宵夢遊茲樹巔環視谿山莽回互
上雲變幻舞龍鸞下風清和寫韶護最高峯在樛枝底
方廣寺隨纖葉寓一枝一葉一沙界應供各談無義句
啟予一嘯誰噓然八表泠泠樹掀翦

台州郡治十二詩太守尤延之命賦

兩崖玉巉然秀色真可餐嵐煙落窻几慘澹雲水間幽
人美清夜和月凭欄干天空山影直八表生晴寒

右雙巖堂

孤雲不可攀，浩氣相與遙。
著亭翠微頂，飛簷侵杳寥。
紫麟迂遠駕，黃鵠回扶搖。
雲收天籟息，亭影摩重霄。

右參雲亭

遠思八表外，澹然何所凝。
蒼巖窅空閭，脩竹風泠泠。
秋老竹亦瘦，月上巖更清。
手持玉如意，天豁河漢明。

右凝思堂

蜿蜒龍顧山，霄漢在人境。
古亭壓虛無，雲氣倒天景。
天澄碧芙蕖，一葉一亭影。
凝然千葉上，有客動深省。

右玉霄亭

赤城在何處明霞坐中起大千無色界向背五雲裏羽人跨丹鳳千載一來止嚙漱餐泰和瓊田結珠蘂

右霞起堂

茲堂雖不華三面受山色直東接溟海雲霧時振翮幾年蕪穢深一日洞天拆悠然舒嘯中自得仁所宅

右樂山堂

天下本無事智者欣有作誰能此堂上靜坐對寥廓魚

游鳥翔回千里受真樂從渠錦繡腸天壤自卜度

右靜鎮堂

千嶺隨指顧一峯不可匿如何超逸士勘破造化跡隱然胸中奇礧礧巖煙碧夜半秋月寒入境俱峻極

右匿峰亭

飲濁斯貴清路險斯貴平明明古君子日用無非誠寒潭寒徹底坦道安無傾日用儻如此政化天與成

右清平閣

古人不可逢豈徒慕其名茲堂號君子想像勞我情高
山仰後世作者追前聲何處見文簡堂虛風更清

右君子堂

郡齋多勝覽隨處山拱揖一亭更留人小立雲百級峰
巒方獻狀靈霧且無集是中頗空洞不礙山色入

右駐目亭

聖人定規模用節民自愛後來巧施為民害深可慨先
生壽正脈吾道燦然在揭日月榜屋梁流風萬千載

右節愛堂

送陳壽老

葉適

字正則

天台鴈蕩車接軫青田又促半潮近冠巖帶壑無俗情
秋榦春蕘競時盡老窮絕望華軒過其誰幽尋穿薜蘿
更抽竒筆向雲射破的疊中千駕驚古今文人不多出
元祐惟四建安七性與天道亦得聞伊洛尋源未為失
閭風招手游太玄麻頭制尾中興年黃金鑄印肯輕佩
定把堯舜陳王前我家罄懸仰見斗簸君紅旗魑魅走

蜜房焰短夜苦長雪高水深去無鄉

王簡卿侍郎呂詩贈王孟同輒亦繼作

季父昔從我寒燈聽微更强扶瘡聲和誤策蹇跛行坐
令兩銷落無復一崢嶸宜汝逝不留出門訪咸英大溪
逢侍郎拆洗心胸清新詩發妙意說盡文字情侍郎蓋
代豪平蠻早垂名覽書五行下援筆千人驚點化謝琰
刻涵濡透晶熒林黃橘柚重渚白蕙葭輕褰裳念數往
歲晏霜雪零

贈勝上人

近日能吟者黃巖說勝師語生兼老筆體重帶幽姿遣
臘冰千筍勾春柳一絲方山最高頂便擬結茅茨

遊天台諸詩

胡融

關

望海石

枯藤挂苔磴長嘯凌秋風天空白露下碧落磨青銅夜
半見海日發輶扶桑紅黃支與流求出沒白浪中久誇
坎井見始知天壤空招手喚海童寄書蓬萊宮我欲蹲

此石投竿慕任公巨鰲儻可得持獻江之東

鍊丹井

荒巔有野井古意豁冥搜
蘚石已摧剝雲蘿閤清幽
憶昔抱朴翁煉液棲高丘
朝飲井中泉暮濯井下流
丹成已蟬蛻巖花幾春秋
但見虎豹蹄印跡碧甃頭
舉瓢酌寒泉一飲消百憂
日暮洞恍惚攀桂聊淹留

墨池

并序

世傳王逸少嘗讀書華頂又有白雲先生者

今從招手石泂磴而下巖岫杳靄處有黃經
洞先生之隱也聞逸少嘗與先生裂素寫黃
庭於此故名黃經先生羽化遺書多藏石壁
好竒之士往往窮搆於崖广藤蘿之間今磴
棧蒙翳洞穴冥絕間有二虎乳子其中尋之
者自崖而返墨池在絕頂右軍書堂之側書
傳不載得之野老云爾

吾聞逸少筆入手鉅如戈結廬在華頂鑿池派天河書

將鬼汗寫墨遣神手磨挾藻卧白雲禿兔堆成坡臨池
日月遠素流變玄波浴嗟撫遺蹟寒猿啼薜蘿搏壁尋
瘞鶴入洞求換鵞長松落青蔭石巘空摩挲

書堂

右軍本清真名題列仙籍朝披赤城霞憑崖望南極不
讀人間書誅茅近東壁松窻拂清靄石架橫野色草聖
天僊求竹扇山猿覓不有鐵石心敢邇虎豹跡高歌振
林木上與霄漢迫時有太一星擁杖照几席

黃經洞

平生山水癖遐往心獨歎採秀凌丹丘忽遇白雲子腰
劍蒼龍活野袂青霞起邀我石洞行共坐啗石髓架有
黃庭經猶是東晉紙粲若錐畫沙其字大如指口傳卻
老術長跪與進履吾心在魏闕焉得給薪水

伏虎壇

顛公天人師猛虎屢欲嗔形體掘槁木驚心化為仁猥
廁龍象側而作猫犬馴礪齒怖天魔掉尾迎山君西伯

困羨里仲尼畏匡人人害賢聖寧與猛虎鄰

葛仙茗園

絕巘匿精廬蒼烟路孤迥草秀仙翁園春風圻幽茗野
僧四五人腦紺瞳子炯攜壺汲飛瀑呼我烹石鼎風濤
瀉江灘松籟起林嶺七椀鑒郝源一水鬪雙井我雖冠
履縛心樂祇園靜濯足卧禪局幽夢墮蒙頂

葛仙宅

仙翁卧雲日種松藥爐東千載鱗鬣古突兀成老龍蛻

骨入霄漢橫身飲長風上有玄鶴巢下有白蟻宮先生
昔羽化雞犬盡凌空如何刀圭妙失此十八公

桐柏山

清曉騎白鹿直上桐栢山山環若城郭琪樹鬱參天青
猿導我路如入崆峒巔瑤草被阪綠瓊蘂凌霜繁旁瞰
老子宮玲瓏隱林閒堊棟天馬出絳柱彫龍盤歎與冥
寂士共談秋水篇散髮松下嘯拂霞石上眠贈我玄玉
膏相期凌紫烟

瓊臺

璿臺插中天，僊聖展遊眺。
亭亭珠玕樹，蒙日光照曜。
上有天樂鳴，嘈雜聲要妙。
浮丘倚巖聽，玉女排雲笑。
茲遊償夙心，時聞八鸞嘯。
蹇如金芝援，藟愛青峭琅。
耶失孤岫，渤海播圓嶠。
抵掌嗤客星，石瀨坐投釣。

雙闕

朝遊雙闕下，遂登雙闕上。
峻壁束清溪，石扇闔奔嶂。
旁通風雲氣，下蓄關鍵狀。
高踰劍閣竦，狹過彭門壯。
我行

季秋月霜飈掃靈瘴崖枯水還壑巴峽失清漲矯步凌
丹梯陟嶮神愈王作書遺家人咋指悔狂妄

玉霄峰

青冥玉霄頂靜夜無纖埃手攜赤松子拂石坐蒼苔舉
瓢呼海月長虹貫金壘挂劍挂樹枝洗手天河洄我欲
鏟崖嶂涉海登蓬萊要觀中洲碑鼓枻雲濤堆風波雖
可越長鯨正崔嵬

桐柏碑

韓公在大歷高名懸日月遊戲翰墨場八分獨奇絕遙
嗤程邈鈍近鄙伯喈拙我來桐柏巔洗眼見碑碣崒岿
挾風霜鐘簴粲成列龜跗閔琳宇鐵畫照清越至今擅
墨工石本走胡越引袖拂台山山盡字乃滅

寄桐柏山王尊師

高侶孫

字續古
號疏寮

猶道中峰淺重新入翠微讀書呼鶴聽洗硯待猿歸近
瀑青松濕朝陽紫木肥逢仙歸又晚行得健如飛

桑世昌澤卿歸天台

且入西陵抖素衣寒燈猶有雁相依月僵積雪和梅凍
天拆殘星背斗飛書策不堪供世用江山何肯笑人歸
赤城仙伯皆吾輩為帶詩行問子微

夜宿金庭洞

夙聞桐柏山下入金庭洞五雲所出沒千翠相迎送川
明芝自燃夏冷雪猶凍沙泉注陽穴水碧孕陰崗天光
抱瓊室神力扶蘭棘其左鬬蒼蚪其西翔紫鳳中穿穴
窈複傍見石闕空青煙溜松髓白水鳴醴甕恠草不知

名珍禽時曳弄石蜜吐巖房琪芳突苔縫星君時一遊
仙翁亦參從或乘玄鶴來或並青鸞控香趨玉女跪丹
走山靈慟谷神元不死玄根在深種誰其握性命於此
破昏夢世人少知幾何能測天用

次韻沈台州遊桐栢山

中天積翠玉臺遙崑閬吹風下赤霄鶴護青松生老珀
龍歸丹井應寒潮三台自逐璣衡轉玉帝常同海嶽朝
休道人間仙骨少功成也會作松喬

桐柏山瓊臺

翠嶽竦神秀玉衡直三台上有長生君含光赤城臺陽
崖熒金芝陰壑生碧苔獨立雲在下一嘯仙俱來丹郎
醉不醒玉女聲如孩帝鄉風自寒洞口花長開所嗟塵
埃中那有神仙才秦皇漫東海漢武空蓬萊

夜宿桐柏

月到中峯碧峭深露桃微重鶴移陰隔松聽得仙官話
句句皆非世上音

瓊臺西路

一夜天台雨青鞵蹋盡沙添將清瀑水濕盡碧桃花涉
澗鉏生术和雲嚼野茶便無仙骨分不敢更思家

桐柏觀閱藏經

天人皆奇人一呂文為主至今崑崙山猶有羣玉府虛
無天之根清淨道所祖也知自義翁此妙洩盤古老氏
啟藏室八神負猛虓玉垂太上篇金寫神仙語舜璿奔
一機漢宮鑿萬戶璆諧玉女下雷吼蒼龍舞侍晨校琅

簡玉卿謨瑤譜兩垣協躔度四溟節風雨恭惟上帝隲
哀此下民苦昭昭懸朗監歷歷開蒙瞽粵從擘混沌孰
不趨子午六爻本乎健五行依乎土神機迭經緯和應
相律呂子能發此鑰太微開帝宇

清曉昇瓊臺頂石崖有仙人腳跡

亂石排天倚嵐壁苔痕不犯松喬跡上通羣帝集台斗
下鑿十洲通碣石樹呼清風雜今古山遺宿潤從開闢
丹翁曾同玉女醉樵者亦見仙人奕雲飛磴道晴掩冉

露濕衣裳香滴瀝洞中靈君來不來鶴歸衝落桃花碧

桐柏山黃法師齋

羽人歸丹丘輕房冒蒼頂雲飛北斗壇瀑洗洪崖井三
更火交坎八十雪垂領深香熨玉釜淑氣回丹鼎彼空
此亦無物動我自靜灼知喬松輩元涉羲老境一來受
清滌內悟開微倣請添無為香上有蘭臺景

桐柏山鄭先生齋

鑿石引幽路傍崖開碧庭
碁留樵客坐鵝博老君經
竹

榻朝吞日松壇夜拜星山中有公事鶴觸杏花零

萬年山

依松屈曲疑無路十里廿里香深沍殿臺平入蓬萊圖
人煙盡屬天台賦山奔萬馬逼人立泉吼晴雷半天注
亂峰發地翠參錯沓嶂參差龍屈怒陰磴仍遺前臘雪
陽崖競拔千年樹亦容羽客賣丹來更有神僧飛錫渡
佛界焚香玉女跪海舟獻寶胡兒踞未午催敲集梵鐘
隨雲共展升堂具冥搜窮日不知極妙盡所歷何容遽

平生畧持山水眼是處且了林泉素揮支公錢極易事
分龐翁榻良難遇青山不是世間無山若識人人也住
石橋歌

一石上負崑崙柱一水西奔牛女渚玉幹獐鱗萬松古
夜夜神光千帝宇石滑苔危冰一縷四海長依開闢雨
月落未落逢諾矩兩足敲泉龍罷舞

國清寺泉時有綠蟾蹲崖石西

崖腰溜清水素光搖玉宇其陰透碧海有石如砥柱心

知老龍都直入蓬萊府仙雲蕩涼潤積雪明深暑陰陽
若在茲噓吸多成雨孤花棲暗芳瘦木垂梢古娟娟綠
蟾蜍曾識廣寒女深疑珠宮物內敬不敢侮山僧惜一
茶自碾仍自煮相從有覺意兩悟無凡語欲分鮮花屏
稍築松風廡銅餅取明月洗此文字苦

栖霞宮山齋

山栖極造理其北恰嵐壁下吞泉數斗中有蒲數脊崖
留未化雪竹迸將崩石不為世所薰直入玄之寂道人

金史卷四
無一吝近我如相識忽然問周易再三說太極言清嘯
冰雪事興通金碧吐納少滯咽導引多精色陰火養陽
鼎黃雲生寶鼎定是母池西佳桃已中食

叅政錢公山園

朝廷文物自昇平公主園林尚典刑山好儘強金谷澗
客來且上翠微亭鶴鳴欲說前時事花在非如舊日馨
多少唐人詩意思無人知得更冥冥

浮岡

山含宿凍未曾銷
鳥去仍迴水路遙
千樹梅花三尺雪
一帆風力半江潮

天台渡

一江夾清渾
只向青村注
餘雲拖薄潤
遠靄飛輕素
船輕順流下
石狹奔湍怒
蒼陰布仙迹
野芳生幽趣
山色各有舊
春情宛如訴
徘徊良自得
泱泱又將暮
遐瞻金碧庭
可入丹泉路
今夜宿桃花
切莫匆匆去

天台道中

金人四子集 卷四
落花入谿口山山皆可佳橫石碧水急後峰白雲羃野
藥綴殷子危松換新釵魚輕爭湊石蘭瘦深依涯此處
若有仙欲留殊未階一來愛清氣全是牽幽懷空色下
映水風聲高在崖草草亦難通借泉洗青鞵

再至桐柏山

此山即蓬萊其下通弱水萬星奏上帝一嶽留仙史逍
遙丹霞上出沒流精裏夜子鶴又叫月暈風欲起自從
西磧去復見東峰峙松施神農蘿石護堯時髓無中猶

有象玄外更無旨略聞赤松道浩劫不可紀

桐柏臺夜作

東崖紫雲飛西壁白雪炯洞口一何邃人間無此靜松
風翻瀑怒梅月逼鶴警苔汗斷闕石茶注彭亨鼎丈人
極好生生神最澄景且修黃房訣夜向香心永

鹿郎中山居

非是拜龐公何繇識此峰自唐無兩見如漢有高蹤徑
吐歸來菊山連種老松輕飛雲侶健精鍊玉為容鶴要

親題竹猿常認擊筇花深多不見葉響却相逢天最知
陶亮人難揖戴顓一來非小事各到此皆溶

巾山雪

攜詩來做台州雪台州雪好無人說一峰玉削崑崙柱
一天冰夾蓬萊闕大江不動網罟凍衆壑皆聲松竹折
村無人行太清淨樹無鳥棲俱峭絕丹天仙君謁帝回
赤脚泠泠踏寒月不管飛殘水帝魂從頭盡笑春風拙
綠華之女素霓衣從呂廣寒太陰妃法曲導引青鸞飛

仙人仙人胡不歸

王清叔舍人玉寒堂

只為襟懷別全然少俗埃山林非細事天地有奇才
泉石皆經畫松梅不妄裁何消嵩洛去嵩洛在天台

寄天台蕭鍊師

已是成仙了全然得道長石堅松結髓山煖术生香
近瀑衣裳冷和雲筆硯涼傍崖修碧宇何日奏寥陽

石橋紋蕈

絕冥萬丈深積翠凌空危清澗月自浴孤芳人不知石
骨溜香髓松苓湧涼脂忽然青雲陰見此白玉姿冉冉
露痕重濯濯雪花滋淑氣注陽鼎甘津灌華池閒經拜
修靜得道推安期聊欲燕其陽飽食五色芝

簡石橋僧壁暉

只在閑雲裏房虛濕翠屏童歸收晚果客至歇殘經月
落千峰黑龍歸白水腥關門無一事草木共冥冥

桐柏鄭練師歸故山

元與玄俱妙全無事可輕路依蒼石轉房與碧雲平鶴
露收殘夢桃風析晚醒西窻留與我却去事彌明

分繡閣夜作二首

一銓炯微明敲盡寒更永老蛩泣月罅脆葉鳴霜井此
事誰主宰凡物皆動靜不了達者觀却侶醉難醒久無
謝安石況復陶弘景殘書非一嘅孤鐘但深省梅生雪
後花鴈叫雲西影他心不可度此語堪自警

識字始多憂悟理良自苦少小習句讀豈解工訓詁一

從入老大甚覺悔雕組人生各用命何乃太知古典謨
必臯禹詩句須李杜生居諸公後已覺萬事忤勤婦少
完燠情農甘莽鹵八卦不可推天意眇如許

別天台

早乘霞氣入蓬萊不識神仙也不來曾與赤松遊數日
自攜玉女上西臺當時共說黃房事回首空驚碧海埃
前度劉郎今得度桃花一一為郎開

題仙居道中

徐侶道

字困子
號竹所

地褊山成簇溪平水不奔晴天帶陰色冬日作春溫草
聚雞豚市機聲桑柘村舟人識行李相約候歸轅

唐使君與正新建浮橋

秋風百柁倚江臯幻出城南不柱橋虹影勒回天際水
鷗頭驚退海東潮白銀闕裏看車馬赤玉闌邊聽鼓簫
斨刃有餘舟楫在待隨芝檢上雲霄

題仙居相湖

嶺名石母誰家母湖號相公何代公欲問嶺雪并嶺月

怕推湖水與湖風
漁翁樵子難重問
墨客騷人苦欲窮
愚智校行三十里
朔風吹酒又成空

宿雲巖二首

古書萬卷積成壺
老屋數間深卻幽
午枕忽驚毛骨冷
覺來風雨一山秋

殘僧入定夜堂寂
獨客不眠山月高
靜坐了無塵俗態
一燈窻下讀離騷


送程傅叟赴官臨海

葉適

茂苑臺高春日明君顏如花楊柳青蕭條別離風雨外
楊柳自青君貌改誰能仰天慙天公三辰五星在心中
老作海頭新主簿蜃氣錯雜迷西東去年無禾雖種菽
乞命只指今年熟家人未可便喜歡少待上司催結局

其二

金華仙伯歌襦久休父仍孫斂板遲堂下言高醜茂惡
官中事了傳咸癡苦心纔覩千年榦垂翅新翻六月池
莫向中山耽笑傲徵黃勅使立多時



天台續集別編卷四